



01
4425

Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27/03-34-49840-12.2/25
Sarajevo, 10.12.2025. godine

SKUPŠTINA KANTONA SARAJEVO
-ovdje-

PREDMET: Odgovor na zastupničko pitanje zastupnice u Skupštini Kantona Sarajevo Smiljane Viteškić, *dostavlja se*

Veza: Vaš akt, broj: 01-04-49840-12/25 od 15.10.2025. godine

Na 25. radnoj sjednici Skupštine Kantona Sarajevo održanoj dana 15.10.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, zastupnica u Skupštini Kantona Sarajevo Smiljana Viteškić je postavila zastupničko pitanje:

ZASTUPNIČKO PITANJE:

„U Dnevnom redu današnje sjednice imamo izvještaj finansijske revizije o praćenju postupanja po preporukama o izvještaju o fin. reviziji JU „Studentski centar“ Sarajevo.

Pitanja:

1. Zašto čak 15 preporuka nezavisnog odbora nije realizirano?
2. Da li Studentski centar ima upravljačke strukture: direktora, UO, NO?
3. Koliko je u zadnje 2 godine bilo vd direktora i koliko je trajao mandat svakog od njih?
4. Kada će biti imenovan direktor Studentskog centra na četverogodišnji mandat?“

ODGOVOR:

U odnosu na predmetno zastupničko pitanje, Ministarstvo za nauku, visoko obrazovanje i mlade Kantona Sarajevo je svojim aktom broj: 27/03-34-49840-12.1/25 od 04.11.2025. godine, zatražilo izjašnjenje JU „Studentski centar“ Sarajevo, a koje u prilogu ovog akta dostavljamo (akt JU „Studentski centar“ Sarajevo, broj: 01-1245/25 od 12.11.2025. godine).

U nastavku su odgovori na pojedinačna pitanja zastupnice Smiljane Viteškić, kako slijedi:

Zašto čak 15 preporuka nezavisnog odbora nije realizirano?

U izjašnjenju JU „Studentski centar“ Sarajevo se navodi da je Ured za reviziju institucija u Federacije BiH proveo kontrolu za 2022. godinu te da su u izvještaju Ureda date određene preporuke. Dalje se navodi da određene preporuke nisu realizirane iz razloga „što druge institucije odlučuju o istim (saglasnost na Cjenovnik usluga JU “Studentski centar“ Sarajevo nikada nismo dobili od Vlade Kantona Sarajevo, saglasnost na zapošljavanje na dva radna mjesta nikada nismo dobili od Ministarstva za nauku, visoko obrazovanje i mlade Kantona Sarajevo, procjenu vrijednosti imovine



radi upisivanja vrijednosti kapitala nismo realizirali zbog nedostatka finansijskih sredstava)". Na kraju se navodi da je, od ukupno 29 preporuka Ureda za reviziju, 14 preporuka realizirano, šest preporuka djelimično realizirano, sedam preporuka nerealizirano, dok za dvije preporuke nije izvršena procjena.

Da li Studentski centar ima upravljačke strukture: direktora, UO, NO?

Ministarstvo za nauku, visoko obrazovanje i mlade Kantona Sarajevo trenutno provodi konkursnu proceduru izbora i imenovanja upražnjenih pozicija u Upravnom i Nadzornom odboru JU „Studentski centar“ Sarajevo, i to za sljedeće pozicije:

- predsjednik Upravnog odbora – predstavnik Ministarstva za nauku, visoko obrazovanje i mlade;
- član Upravnog odbora – predstavnik Ministarstva za nauku, visoko obrazovanje i mlade;
- član Upravnog odbora – predstavnik zaposlenika JU „Studentski centar“ Sarajevo;
- predsjednik Nadzornog odbora – predstavnik Ministarstva za nauku, visoko obrazovanje i mlade;
- član Nadzornog odbora – predstavnik Ministarstva za nauku, visoko obrazovanje i mlade;
- član Nadzornog odbora – predstavnik stručnih zaposlenika JU „Studentski centar“ Sarajevo.

UPRAVNI ODBOR		
1.	Predsjednik – predstavnik Ministarstva	UPRAŽNJENA POZICIJA – konkursna procedura u toku. (ostavka v.d. predsjednika Admira Fatića od 03.11.2025. godine)
2.	Član – predstavnik Ministarstva	UPRAŽNJENA POZICIJA – konkursna procedura u toku. (ostavka v.d. člana Jasmina Ćesira od 24.10.2025. godine)
3.	Član – Predstavnik UNSA	POPUNJENA POZICIJA Hadžan Konjo (po Rješenju Vlade, broj: 02-04-1065-20/25 od 16.01.2025. godine)
4.	Član – predstavnik zaposlenika	POPUNJENA POZICIJA (v.d. član, najduže tri mjeseca od dana imenovanja) – konkursna procedura u toku. Edina Ćišić (po Rješenju Vlade, broj: 02-04-47720-34/25 od 02.10.2025. godine)
5.	Član – predstavnik zaposlenika	POPUNJENA POZICIJA Armin Ibričić (po Rješenju Vlade, broj: 02-04-1065-20/25 od 16.01.2025. godine)

NADZORNI ODBOR		
1.	Predsjednik – predstavnik Ministarstva	UPRAŽNJENA POZICIJA – konkursna procedura u toku. (ostavka predsjednice Aide Bakarević od 26.08.2025., na protokolu Kantona Sarajevo zaprimljena 29.08.2025. godine)
2.	Član – predstavnik Ministarstva	UPRAŽNJENA POZICIJA – konkursna procedura u toku. (zbog isteka mandata)
3.	Član – predstavnik zaposlenika	UPRAŽNJENA POZICIJA – konkursna procedura u toku. (zbog isteka mandata)

Koliko je u zadnje 2 godine bilo vd direktora i koliko je trajao mandat svakog od njih?

Od razrješenja direktora JU „Studentski centar“ Sarajevo (imenovanom na mandat od četiri godine), koji je na lični zahtjev podnio ostavku na poziciju direktora, Upravni odbor JU „Studentski centar“ Sarajevo je četiri puta imenovao vršioca dužnost direktora do okončanja konkursne procedure za izbor i imenovanje direktora, i to:

- Ammar Demić imenovan za vršioca dužnosti direktora dva puta na period od po šest mjeseci,



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-029

Web: <http://mon.ks.gov.ba>, E-mail: info@mon.ks.gov.ba

- Ingrid Kadrić imenovana za vršioca dužnosti direktora na period od šest mjeseci i
- Refik Ožegović koji je za vršioca dužnosti direktora, na period od šest mjeseci, imenovan odlukom Upravnog odbora dana 25.08.2025. godine.

Međutim, vršilac dužnosti direktora Refik Ožegović je na navedenu poziciju podnio ostavku dana 07.11.2025. godine, a koju Upravni odbor JU „Studentski centar“ Sarajevo nije u mogućnosti razmatrati, zbog podnesenih ostavki v.d. predsjednika i v.d. člana Upravnog odbora (prema navodima iz izjašnjenja JU „Studentski centar“ Sarajevo, „trenutna tri člana Upravnog odbora nisu u mogućnosti održavati sjednice, jer nije izabran zamjenik predsjednika“).

Još jednom napominjemo da je Ministarstvo za nauku, visoko obrazovanje i mlade Kantona Sarajevo objavilo Javni oglas za izbor i imenovanje predsjednika i članova Upravnog odbora i predsjednika i članova Nadzornog odbora JU „Studentski centar“ Sarajevo“, a procedura po Javnom oglasu je u toku.

Kada će biti imenovan direktor Studentskog centra na četverogodišnji mandat?

U odnosu na postavljeno pitanje o imenovanju direktora JU „Studentski centar“ Sarajevo na četverogodišnji mandat, informišemo vas da Ministarstvo za nauku, visoko obrazovanje i mlade Kantona Sarajevo jeste zaprimilo odluku o izboru direktora JU „Studentski centar“ Sarajevo sa pratećom dokumentacijom nakon provedene konkursne procedure, a radi pribavljanja saglasnosti Vlade Kantona Sarajevo na imenovanje izabranog direktora.

Međutim, Ministarstvo unutrašnjih poslova, Uprava policije, Sektor kriminalističke policije, Odjeljenje za privredni kriminal i borbu protiv korupcije je dana 10.04.2025. godine izuzelo predmetnu dokumentaciju po Naredbi za privremeno oduzimanje predmeta.

S poštovanjem,



Prilog: Akt JU „Studentski centar“ Sarajevo, broj: 01-1245/25 od 12.11.2025. godine.

Dostaviti:

- Naslovu,
- Stručna služba Vlade Kantona Sarajevo,
- a/a.



Broj: 01-1245/25
Sarajevo, 12.11.2025. godine

MINISTARSTVO ZA NAUKU, VISOKO OBRAZOVANJE I MLADE KS

Ul. Reisa Džemaludina Čauševića broj 1, Sarajevo
n/r Prof.dr. Dušanka Bošković, ministrica

Bosna i Hercegovina
Federacija Bosne i Hercegovine
Kanton Sarajevo

14-11-2025

Predmet: Izjašnjenje, dostavlja se

27.03.24 34 49840-12.1-80

Poštovani,

Dana 07.11.2025. godine, zaprimili smo Vaš akt pod brojem: 27/03-34-49840-12.1/25 od 04.11.2025. godine kojim se traži izjašnjenje na postavljena zastupnička pitanja.

S tim u vezi dostavljamo vam odgovore na pitanja:

Redni broj 1. „Zašto čak 15 preporuka nezavisnog revizora nije realizirana?“

U JU „Studentski centar“ Sarajevo, Ured za reviziju institucija u FBiH je proveo kontrolu za 2022. godinu. U izvještaju Ureda date su određene preporuke po kojima je Ustanova postupila. U datim preporukama određene stavke nisu ispoštovane iz razloga što druge institucije odlučuju o istim (Saglasnost na Cjenovnik usluga JU „Studentski centar“ Sarajevo nikada nismo dobili od Vlade KS, saglasnost na upošljavanje na dva radna mjesta nikada nismo dobili od Ministarstva za nauku, visoko obrazovanje i mlade KS, procjenu vrijednosti imovine radi upisivanja vrijednosti kapitala nismo realizirali zbog nedostatka finansijskih sredstava). Od ukupno 29 preporuka Ureda za reviziju, 14 preporuka je realizirano, 6 preporuka je djelimično realizirano, 7 preporuka je nerealizirano, te za dvije preporuke nije izvršena procjena.

Redni broj 2. „Da li Studentski centar ima upravljačke strukture: direktora, Upravni i Nadzorni odbor?“

Od razrješenja direktora u mandatnom periodu od četiri godine Amara Dovadžije, koji je na lični zahtjev podnio ostavku na poziciju direktora, a koji je razrješen od strane Vlade Kantona Sarajevo dana 25.01.2024. godine, Upravni odbor Ustanove je imenovao vršioca dužnosti direktora do okončanja konkursne procedure za izbor i imenovanje direktora. Konkursna procedura za izbor i imenovanje direktora je provedena, međutim Vlada KS nikada nije dala saglasnost na Odluku Upravnog odbora o izboru direktora JU „Studentski centar“ Sarajevo. Uputili smo dopis Vladi KS putem Ministarstva za nauku, visoko obrazovanje i mlade KS, vezano za davanje saglasnosti na odluku Upravnog odbora o izboru direktora, a u vezi navedenog dostavljen nam je odgovor u kojem je navedeno da se „vode određene provjere od strane nadležnih organa.“

Trenutna situacija što se tiče upravljačke strukture je na zabrinjavajućem nivou. Predsjednik Upravnog odbora Admir Fatić je podnio ostavku Vladi Kantona Sarajevo dana 05.11.2025. godine. U Upravnom odboru su trenutno tri člana koja ne mogu održavati sjednice iz razloga što nije izabran zamjenik predsjedavajućeg Upravnog odbora. Što se tiče Nadzornog odbora, članovima istog je istekao mandat 26.08.2025. godine, a predsjednica Nadzornog odbora je podnijela ostavku. Vršilac dužnosti direktora, Refik Ožegović koji je imenovan odlukom Upravnog odbora dana 25.08.2025.

Javna ustanova "Studentski centar" Sarajevo Aleja Bosne Srebrne b.b. Sarajevo 71000

Telefon 033 569 - 730 Fax 033 569 - 745 web: <http://www.studentskicentar.ba>

email: direkcija@studentskicentar.ba

ID broj: 4200458760008 PDV broj: 200458760008 MBS: 65-05-0003-09

TRN: 1610000004420010 Raiffeisen BANK d.d. Bosna i Hercegovina SWIFT RZBABA 25

godine je na navedenu poziciju podnio ostavku dana 07.11.2025. godine Upravnom odboru Ustanove koji se nije u mogućnosti sastati zbog naprijed navedenog.

Redni broj 3. „Koliko je u zadnje 2 godine bilo VD direktora i koliko je trajala mandatu svakog od njih?“

Nakon razrješenja direktora Amara Dovadžije, Upravni odbor je imenovao tri vršioca dužnosti. Ammar Demić je imenovan za vršioca dužnosti direktora dva puta po šest mjeseci, Ingrid Kadrić na mandatni period od šest mjeseci, te Refik Ožegović na period od šest mjeseci.

Redni broj 4. „Kada će biti imenovan direktor Studentskog centra na četverogodišnji mandat?“

JU „Studentski centar“ Sarajevo nije u mogućnosti dati odgovor na postavljeno pitanje, budući da o davanju saglasnosti na odluku Upravnog odbora o izboru direktora odlučuje Vlada KS. Nadamo se da će Vlada KS u što skorijem periodu poduzeti korake u vezi naprijed navedenog budući da se Ustanova nalazi u jako teškoj finansijskoj situaciji, a uslovi u domovima su na nezadovoljavajućem nivou. JU „Studentski centar“ ne može da održi kontinuitet u poslovanju iz razloga što duže vrijeme nema direktora imenovanog na madatni period.

S poštovanjem,

Dostaviti:

- Naslovu,
- Savjetnik u Kabinetu direktora,
- a/a.

v.d. DIREKTOR-a
Refik Ožegović

